

萬祀兮千秋御斯宮兮夷猶

右送神

登恒山記

楊述程

余夙覽五岳圖思嚮往其地久矣己酉歲奉命觀察雲中恒岳實居轄內辛亥春欲以祀典往謁岳神緣邊境不寧余爲計防禦事且不暇是歲孟冬廿日直指潘公觀風澠水故事兵使者以分疆例得陪視明日潘公將有事恒岳余導驄而往南行十里許至磁窯口兩岸峭削如門大類吾鄉劍閣諸峽泉流峽中澎湃奔瀉潄潄潄潄如建瓴而北爲神川云此處山光嵐色皆莽蒼蔥鬱不似北方景川之東鑿石纍途草橋木磴又大類吾鄉連雲諸棧上有石窟架閣猶餘橫木數千蠡剝欲盡傳者以爲宋初把守三關處也磁水東壁有坊聳峻金碧輝煌題曰高山仰止者卽岳遠門也門有殿庭數